

Yems

Yems beleŋ asan kayyinj

1 ¹Be, nebe Yems, Al Kurunŋya Doyaŋ Al Kurunŋ Yesu Kristuyat metenŋ al. Ningeb deŋ Israel mar kura Yesu nurd unenŋ haŋ mar naŋatinŋ tubul tenŋ bur yenŋ kuŋ almet naŋayanŋ haŋ kurunŋ goyen goke tenŋ asanŋ gago kaŋ dunenŋ hime.

Kanduk yenenŋ gab saŋinj henayinj

²⁻³Be, kadne yago, deŋbe kanduk kurayen kurayen yenenŋ hinayinj gega, Al Kurunŋ niŋ dufaytinŋ tareŋ iramiŋ goyen go ma tubul tinayinj gobe kame kanduk hoyanŋ forok yenŋ hinayinj goyen wor tareŋ heŋ iginj fole yirde hitek yenŋ nurde hanŋyen. Ningeb kanduk kurayen kurayen goke bulunŋenŋ ma nurde hinayinj. Tareŋ dird dird niŋ gago forok yenŋ haŋ yenŋ nurde amanŋ heŋ hinayinj. ⁴Ningeb kanduk yenenŋ fole yird yird matatinŋ gobe saŋinj po hiyyenŋ. Gogab Al Kurunŋyen mere gama ird ird matare parguwak yara henayinj. Irde matatinŋ kurunŋ goyen bana kura ga bulunŋ miŋmonŋ henayinj. Mata iginj kura tiniŋ yenayinj gob iginj ala po titek hinayinj.

⁵Goyenbe kuratinŋ kura mata goyen daha mat tiyenŋ yenŋ ma nuryenbe mata iginj goyen tenŋ tenŋ niŋ dufay wukkenŋ niŋ Al Kurunŋ gusunŋanŋ iryenŋ. Al Kurunbe det basaŋa ma irde hiyen al geb, al kura det kuranŋ gusunŋanŋ irkeb goke piŋenŋ nurde unenŋ inenŋ ma tiyyenŋ, irde iginj ala unyenŋ. ⁶Gega gusunŋanŋ irde henŋyabe dufay budam ma henayinj, yenŋ ge po hekkenŋ nurde hinayinj. Munanŋ al kura dufay budam hiyyenŋ gobe meŋe beleŋ makaŋ duba tuktawanŋ irde hiyen go gwahade yara, dufaymiŋ kipirtinŋ ma hiyyenŋ geb, kurareb Al Kurunŋ niŋ hekkenŋ nurde hiyenŋ munanŋ kurareb gwahade ma nurde hiyenŋ. ⁷Ningeb al gwahade gobe Doyaŋ Al Kurunŋ hitte mat det kura tewenŋ yenŋ ma po nuryenŋ. ⁸Al gobe dufaymiŋ kipirtinŋ monŋ geb, mata tenŋ hiyenŋ kurunŋ gobe kukuwamŋenŋ ala po tenŋ hiyenŋ.

Al horam yaŋya al siksukŋenŋya

⁹Be, deŋ Yesuyen alya bereya kura hora miŋmonbe megen niŋ mar diliŋdeb al kura gogo kuŋ haŋ yenŋ ma denenŋ hanŋyen. Goyenbe Al

Kurunj dilingdeb det kurunj yenj denenj hiyen geb, goke amanj henj hinayinj. ¹⁰Munanj busare ninj det umnam igyen igyenbe pul yenjbe henj ga monj gwilgwial irde hanjen. Al horam yanj wor gwahade po hanj geb, denj Yesuyen alya bereya kura horatinj yanj gobe Doyanj Al Kurunj ninj tenj horatinj yubul tinayinj goke bulunjenj ma nurde hinayinj. Yenj belenj matatinj goke iginj nurd dunyenj geb goke amanj henayinj. ¹¹Fudinde wor po, nanja pirik irde wanj hurkunj misinjenj yanj temeydeb busare ninj det umnam igyen goyen fiminj fudinj yirke umnam bulaknenj goyen hubu hekeb kamde katenj hanjen. Ningeb gwahade goyen po, al horam yanj wor hora metenjinj tenj henja yubul tenj kamnayinj.

Kanduk yenenj yenenj goya mata bulunj titek dufayya

¹²Be, Al Kurunja huginjenj henj henj gobe al kura yenj ge amanjenj nurde hanj mar goyen yunenj yenj binja tiyyinj. Ningeb al kura kanduk yenenj hiyenj gega, fole yirde hiyenj al gobe Al Kurunj belenj yenja huginjenj henj henj ninj binja tiyyinj goyen go unyenj. Ningeb murungem go tenayinj marbe amanjenj nurnayinj.

¹³Ungurabe, “Al Kurunj mata bulunj tiwonj,” yenj epte ma lomlom iryenj. Irde Al Kurunbe nenj gayen mata bulunj tinayinj yenj lomlom ma dirde hiyen. Ningeb al kura mata bulunj kura titek dufay forok yeke goya, “Al Kurunj belenj lom nira,” ma yiyyenj. ¹⁴Gwahade yarab mata bulunj tenj tenj ge binj huwarkeb dufay bulunjinj gore po tulunj tenj tukukeb mata bulunjde katenj hiyen. ¹⁵Megen ninj mata bulunj tenj tenj ge binj huwarkeb gore mata bulunj forok irde hiyen. Irkeb mata bulunj go kunj kurunj henjbe kamde kamde forok irde hiyen.

¹⁶Ningeb, kadne yago, “Al Kurunj belenj lom dirke mata bulunj tihit,” mere gobe usi geb pel irde hinayinj. ¹⁷Mata iginja det igyen igyen bulunjinj monj kurunj gobe nanjkinde ninj hulsi yiriyinj al Al Kurunj gore dunenj hi. Al Kurunbe nanjkinde ninj hulsi belenj gasunj unjkurenjde ma henj matam matam tenj hanjen gwahade monj. Yenjbe huginjenj iginj iginj po dirde hiyen. ¹⁸Yenjbe al minj hoyanj megen ninj goyen wor kame yawarenj yenjbe nenj wa dawaryinj. “Mere fudinde Yesu ninj yitij nurkeb neya huginjenj hitek,” yenj basinja diriyinj. Al minj hoyanj megen ninj goyen wor kame yawarenj yenjbe gogo nenj wa basinja diriyinj.

Al Kurunjen mere nurtek, irde gama irtek

¹⁹Kadne yago, nebe denj ge amanjenj nurde hime. Ningeb merene ga kenkela nurnanj ko. Al kura mere tike nure yenjbe palja irde hinayinj. Irde bemel ma mere tenj hinayinj, dufay henj ga mere tenj hinayinj. Irde aranjjenj bearar ma tenj hinayinj. ²⁰Bearar mata gobe Al Kurunj belenj mata huwak tenj hiwonj yenj nurd dunenj hiyen goyen monj. ²¹Ningeb bitinj bana dufay bulunja mata bulunja goyen tumnanj yade sinja yirnayinj. Irde nenj nurhet

nurhet dufaytiŋ go fole irdeb Al Kurun belen mere dirke nurde hanŋen goyen fudinde yeŋ keŋkela po tanarde hinayiŋ. Meremiŋ go keŋkela tanarde hinayiŋbe gore tareŋ dirke mata bulunđe ma katnayiŋ geb.

²²Meremiŋ duliŋ po nurde wasak ma teŋ hinayiŋ. Meremiŋ nurde go po gama irde hinayiŋ. Gwaha ma teŋ hinayiŋbe meremiŋ nurhet yeŋ haŋ gobe dindiken go po usi yirde hinayiŋ. ²³Al gwahade gobe al kura lunen teŋ dinsoknebe gwahade yeŋ kinyeŋ gega, ²⁴lunen go tubul teŋ kunbe araŋ po biŋ sir yiyyeŋ go gwahade yara. Ningeb Al Kurunyen mere nuryeŋ gega, ma gama iryen al go wor meremiŋ nuryeŋ gobe miŋ miŋmon hiyyeŋ. ²⁵Al Kurunyen mere gobe bulun miŋmon huwak wor po. Irde mata bulun bana mat al yade siŋa yird yird tareŋ miŋyaŋ. Ningeb al kura mere go hugineŋ keŋkela po keneŋ heŋbe teŋ biŋde kerde gama irde hiyeŋ al gobe Al Kurun belen goke guram irde igiŋ igiŋ irde hiyeŋ.

²⁶Munaŋ al kura belen, “Nebe Al Kurunyen mata gama irde hime,” yiyyeŋ gega, mohoŋ ma hibol teŋ yeŋ ma yetek mere teŋ hiyeŋ gobe yingeŋ goyen po usi irde hiyeŋ. Gwaha teŋ hiyeŋbe Al Kurun gama irde hime yiyyeŋ gobe Al Kurun diliŋde miŋ miŋmon hiyyeŋ. ²⁷Al Kurunyen mata goyen fudinde gama irniŋ yeŋbe diriŋ kagewya beretapya kanduk bana haŋ mar goyen kun faraŋ yurde hinayiŋ. Irde megen niŋ mata bulun kurun goyen yeneŋ yilwa yirde Adoniniŋ Al Kurun diliŋde wukken po hinayiŋ. Gogab ultiŋde merem mon, wukken wor po denen hiyeŋ.

Al kura po igiŋ irde al kurabe bulun ird ird mata gobe bulun

2 ¹Be, kadne yago, deŋbe Doyaŋ Al Kurunniŋiŋ Yesu Kristu al turunŋ yaŋ wor po goke dufaytiŋ saŋiŋ irde haŋ. Ningeb al kura po igiŋ igiŋ yirde, kurabe bulun bulun ma yirde hinayiŋ. ²Be, al irawa kura dende gabu gasunđe gor wayiryen. Kurabe horam yaŋ al, uliŋ umŋa igiŋ damum hende wor po goyen yerde wayyen. Irke goya goyen po al siksukneŋ kura det erek ereken tikiŋ miŋyaŋ bulun goyen yerde gor wayyen. ³Irkeb deŋbe al umŋa igiŋ igiŋ teŋ wayyen al goke po nurde gargar irde, “Gebe waŋ gasuŋ igiŋde gar kepera,” innayiŋ. Gega al siksukneŋ gobe, “Gebe al deŋgem mon geb, irar ira huwara. Ey, monge waŋ gasuŋ malire kahaŋne miŋde gar kepera,” innayiŋ. ⁴Deŋ belen gwaha tinayiŋbe bitiŋ bana dufay bulun miŋyaŋ geb, gogo mata gwahade tihit yeŋ bebak tinayiŋ. Irde deŋ Yesuyen alya bereya bana bipti kurun forok irhet yeŋ nurnayiŋ.

⁵Kadne yago, deŋ ge amaneŋ nurde hime. Ningeb merene ga nurnaŋ. Al siksukneŋbe megen niŋ marte diliŋdebe al mali deŋgem mon yeŋ yeneŋ hanŋen. Gega Al Kurunbe al gwahade gore yeŋ ge dufaymiŋ tareŋ irkeb Al Kurun diliŋde al deŋgem yaŋ henayiŋ yeŋ basaŋa yiryiŋ. Irkeb yeŋ ge amaneŋ nurde haŋ mar goyen kame alya bereyamiŋ doyaŋ yirde hi bana goŋ hinayiŋ yeŋ biŋa tiyyiŋ goyen tenayiŋ. ⁶Gega deŋbe

al siksuknɛŋ goyen palap ma po yirde haŋ. Goyenbe ganuŋ mar belem buluŋ buluŋ dirde kanduk duneŋ haŋyen? Samuŋ miŋyaŋ mar belembe gogo ma merem yaŋ dirde merere dukuŋ haŋ? ⁷Go mar goreb deŋ belem Kurunɛniŋ yeŋ igiŋ wor po nurde haŋ al Yesu goyen mere buluŋ mat irde haŋyen geb.

⁸Be, Al Kurunyen asaŋde saba kuruŋ kura, “Gigen ge amaŋeŋ nurde ha gwahade goyen po, al hoyaŋ niŋ wor amaŋeŋ nurde hayiŋ,” yeŋ katiŋ hi. Niŋgeb yitiŋ gwahade po gama irde haŋ kenem igiŋ teŋ haŋ yeŋ nurd duneŋ. ⁹Goyenbe al kura po igiŋ igiŋ irdeb kurabe keneŋ wasak teŋ haŋ kenem deŋbe Al Kurunyen saba pel irde haŋ geb, mata buluŋ mar yeŋ nurd dunyeŋ. ¹⁰Fudinde, al kura Al Kurunyen saba tumŋaŋ nurde keŋkela gama yirde hiyeŋ gega, uŋkureŋ muŋ kura soŋ hiyyeŋ gobe sabamiŋ goyen tumŋaŋ soŋ hihi yeŋ kinyeŋ geb gago dineŋ hime. ¹¹Niŋgeb Al Kuruŋ belem, “Al berem yaŋbe bere hoyanya ma duwan teŋ hinayiŋ,” yiriŋ goya, “Al ma gasa yirke kamnayiŋ,” yiriŋ goyen uŋkureŋ kura soŋ henayiŋbe Al Kuruŋ belem sabamiŋ kuruŋ goyen soŋ hahan yeŋ dinyeŋ. Niŋgeb al berem yaŋ kura gore bere hoyaŋ kura ma duwan iryeŋ gega, al hoyaŋ kura bida iryeŋbe sabamiŋ kuruŋ goyen soŋ hiyyeŋ. ¹²Niŋgeb al hoyaŋ niŋ amaŋeŋ nurde hinayiŋ yitiŋ Al Kurunyen saba kuruŋ goyen po gama irde mere teŋ mata teŋ hinayiŋ. Gwaha teŋ hinayiŋbe mata buluŋ bana ma hinayiŋ. Munuŋ gwaha ma teŋ hinayiŋbe sabamiŋ kuruŋ gore po Al Kuruŋ belem diliŋde merem yaŋ diriyeŋ. ¹³Goyenpoga al kura al hoyaŋ buniŋeŋ ma yirde hiyeŋ gobe kame Al Kuruŋ diliŋ mar huwarkeb yeŋ wor buniŋeŋ ma iryeŋ. Munuŋ al kura al hoyaŋ buniŋeŋ yirde hiyeŋ gobe Al Kuruŋ wor buniŋeŋ iryeŋ geb, merem yaŋ yird yird nalu funaŋde yeŋ diliŋ mar huward huward niŋ kafura ma hiyyeŋ.

Matamiŋbe igiŋ moŋ kenem Yesu niŋ dufaymiŋ tareŋ irtiŋ gobe miŋ miŋmoŋ hiyyeŋ

¹⁴Be, kadne yago, al kurabe yingeŋ ge yeŋbe, “Nebe Yesu niŋ dufayne saŋiŋ irde hime,” yeŋ hiyeŋ gega, matamiŋbe hoyaŋ po kuŋ hiyeŋbe mere gwaha tiyyeŋ gore epte ma igiŋ iryeŋ. Niŋgeb al gore, “Yesu niŋ dufayne tareŋ irde hime,” yeŋ hi goke Al Kuruŋ belem mata buluŋde mat epte ma tumulgaŋ tiyyeŋ. ¹⁵Be, kadtiŋ kura bere daw ma al diriŋ daw gobe uliŋ umŋa igiŋ mat teŋ biŋge go kura netek miŋmoŋ wor po hiyeŋ. ¹⁶Goyenbe deŋ belem keneŋbe, “Al Kuruŋ belem doyaŋ girde hi geb igiŋ kwayiŋ. Meŋe girkeb meŋe diba kura hor irayiŋ. Biŋge nene ep hawayiŋ,” innayiŋ. Goyenpoga det goke amu wor po heŋ hi goyen kura muŋ ma faraŋ urdeb mere uliŋ po gwahade innayiŋbe meretiŋ gobe miŋ miŋmoŋ hiyyeŋ. ¹⁷Niŋgeb gwahade goyen po, “Yesu niŋ dufayniniŋ tareŋ irde hite,” yeŋ haŋ gega, matatiŋbe hoyaŋ po kuŋ hi kenem, “Yesu niŋ dufayniniŋ saŋiŋ irde hite,” yeŋ haŋ gobe duldul yeŋ haŋ.

¹⁸ Goyenbe al kura belen merene fudinde yen ma nurdeb, “Yesu nin dufay tarej ird irdya gote mata ten tenyabe hoyan hoyan geb,” yen hanjen. Gega meremin gobe fudinde mon. Meremin gokeb ne belen wol henbe, “Gebe Yesu nin dufayge tarej iran gega, mata igin ma ten hayinbe daha mat dufayge sanin iran goyen fudinde yen nurtek? Epte mon. Munan nebe mata igin ten himekeb matane goreb dufayne Yesu nin tarej irde himyen gobe fudinde yen gikala giryen,” inen. ¹⁹ Gebe Al Kurunbe unkenen po hi yen nurde ha. Gobe igin. Goyenbe unkenen wor gwahade po yen nurdeb yen ge kafura hen barbar yen han. Ningeb Al Kurunbe unkenen po hi yen nurde ha gega, mata igin ma ten hayin gobe min minmon.

²⁰ Denbe da kukuwa wor po? “Yesu nin dufayninin tarej irde hite,” yen han gega, matatinbe igin mon kenem, meretin gobe min minmon goyen daha mat dikala dirmeke gab kenkela bebak tinayin? ²¹ Be, asininin Abrahambe Al Kurunyen mere po nurdeb urmin Aisak goyen Al Kurun galak ire yen tukun hora belen po alta irdeb go hende kerde kunga ten Al Kurun doloj iren tiyyin. Irkeb Al Kurun belen go kenengebe al huwak inyin. ²² Abraham mata tiyyin goreb kenkela dikala dirde hi. Dufayya matayabe hoyan hoyan mon, tunande wor po. Yenbe Al Kurun nin dufaymin sanin iryin geb, meremin po gama irde mata tiyyin gogo. Ningeb matamin goreb dufayminbe fudinde wor po ep hitin goyen kawan iryin. ²³ Irdeb matamin goreb Al Kurunyen asande, “Abrahambe Al Kurun nin dufaymin tarej irkeb Al Kurun belen al huwak kinyin,” yitin gote min goyen kawan forok iryin. Abrahambe gwaha tiyyin geb, Al Kurun belen kadne yen nurd unen hinhin. ²⁴ Ningeb Al Kurun dilingde huwak hen hen belen gobe yen ge dufay tarej ird ird po mon. Matatinde manan meremin gama irnayinbe yen belen al huwak yen dinyen.

²⁵ Gwahade goyen po, belen nin leplep bere denembe Rahap goyen Yeriko taunde hinhin wor Al Kurun dilingde mata igin tikeb Al Kurun belen bere huwak inyin. Bere gobe Israel al irawa kura Yosua belen, “Yeriko taunde balmin kun nana tulyan kunbe wan momon niryi,” yinke kukeb gor nin mar belen gasa yirnak yen bere gore yaminde yukunbe balminde belen hoyan mat yad yerke mulgan hen kwaryum. ²⁶ Ningeb al kamtin hakwambe tonej minmon gwahade goyen po, al kura belen, “Al Kurun nin dufayninin sanin irde hite,” yen hinayin gega, matamin hoyan kukeb, meremin gobe min minmon hiyyen.

Dufay hen ga mere ten hinayin

3 ¹ Be, kadne yago, kame nen tumnan Al Kurun diling mar huwartekyabe nen saba tagal tagal marbe al mali hoyan yara mon, mere kurunde wor po kutek gobe nurde han gogo. Ningeb den budam al saba yird yird mar ma henayin. Kura belen po saba mar henayin. ² Nen

albe mata kurayen kurayende bulun ten hityen geb gogo gwaha dinen hime. Al kura mere son ma hen hiyen al gobe Al Kurun dilingde bulunmin minmon hiyyen. Irde yingen kenkela dufay hen gab mata ten hiyen geb son ma hen hiyen. ³Be, hos go dufayninin po gama irde kuwon yenbe mohon bana ain parwek yerde goyenter kan fen ten gor yanarde yulun titekeb hos goyen igin dufayninin po gama irde hanryan. ⁴Be, hakwa wor gwahade po. Hakwa kurun wor po goyen men tareh huwarde tuktawan irde hiyen. Goyenbe hakwa go ten kun hiyen al gore gon kura kwe yen nurdeb hakwa tigiri ten ten det dirnen mun hakwa kimyan beleh hi goyen tigiri tikeb hakwa kurun goyen al gote dufay po gama irde kuyen. ⁵Gwahade goyen po, det dirnen mun al mohon bana gore mat mere forok yen han goreb alyen hen henmin kurun goyen kurabe igin irde, kurabe bulun irde ten hanryan. Be, kadilia kurun hiyyende kak bonen kura busare katyenbe daha tiyyen? Busa kurun gobe hen wor yen kuyen geb. ⁶Ningeb mohninin wor kak bonen dirnen mun go gwahade goyen po, nen al kurun gayen bulun dirde hiyen. Mohnininbe mata bulun gasun geb, gor matbe nen kurun gayen bulun hen hityen. Mata bulun mohnininde forok yen hanryan kurun gobe kak beleh det kunga ten pasi hiyyen gwahade goyen po hen henninin kurun gayen bulun wor po dirde hiyen. Irde funanbe mata bulun gote murungem tenbe kak alare hen humga kunayin.

⁷Megen nin, hende nin, irde makan bana nin dapna kurayen kurayenya nuya kurun goyen al beleh igin yade paka yirke yase hen yewek yagot mere nurnayin. ⁸Goyenbe mohnininbe al kura beleh epte ma mala tiyyen. Dapna duwi yara metenen wor po. Ningeb huginen ugala titinde po hen mere bulun ten hiyen. Irde det bulun al beleh nene kamtek go gwahade goyen po, al bulun yirde hiyen.

⁹Nenbe mohninin gore Adoninin Doyan Al Kurun turun irde hityen. Irdeb gore po al hoyan Al Kurun beleh yingen yara yiryn goyen karan yurde ten hityen. ¹⁰Mohninin unken bana gor mat po Al Kurun turun irdeb bana gore po al karan yurde ten hityen. Ningeb, kadne yago, mata gwahade gobe igin mon geb tubul po tinayin. ¹¹Feya makanabe igin fe diling unkenende mat po marde wan hiriryen? Epte mon. ¹²Irde igin fik he hende olip he iginen forok yenayin? Irde wain iginen gob fik he hende forok yenayin? Epte mon. Gwahade goyen po, makan wan ala hen hiyende gorbe epte ma fe yase forok yiyyen.

Al Kurun dilingde dufay wukkek

¹³Be, dufay wukkek minyan albe ne nurhem nurhem mata gob hubu. Ningeb den kura beleh, “Dufay wukkekne minyan geb, Al Kurunyen dufay kenkela bebak ten hime,” yiyyen al gobe ne nurhem nurhem mata go tubul ten mata igin ten hinayin. Irkeb kenenbe meremin fudinde yen

nurtek. ¹⁴Munan kuratiŋ kura kadam igiŋ mat hike yeneŋ daniŋ neŋ gwahade moŋ yeŋ nurd nurd mataya kudiŋ mataya miŋyaŋ al gobe, “Nebe dufay wukkekneŋ yaŋ,” yeŋ parpar teŋ mere fudinde pel irde usi ma po teŋ hiyeŋ. ¹⁵Dufay wukkek deŋ beleŋ yeŋ haŋ gobe Al Kuruŋ hitte mat ma waŋ hi. Megen niŋ po, Holi Spirityeŋ dufay moŋ, Uŋgurayeŋ. ¹⁶Gwahade geb deŋ beleŋ kudiŋ mataya ditiŋ igiŋ mat hike yeneŋ daniŋ neŋ gwahade moŋ yeŋ nurd nurd mataya teŋ hinayiŋbe kadam bearar gird teŋ teŋ mata forok yirde hinayiŋ. Irde mata buluŋ kurayeŋ kurayeŋ forok yirde hinayiŋ.

¹⁷Goyenbe dufay wukkek Al Kuruŋ hitte mat watiŋ gobe dufay buluŋ miŋmoŋ wukkeŋ wor po hiyyeŋ. Irkeb dufay go miŋyaŋ marbe biŋ kamke al hoyanya igiŋ hinayiŋ. Irde biŋ yurumneŋ hinayiŋ. Irde balmin heŋ al hoyande mere nurde hinayiŋ. Irde albe bunineŋ yirde hinayiŋ. Irde mata igiŋ kurayeŋ kurayeŋ teŋ hinayiŋ. Irde al kura po igiŋ igiŋ yirde kurabe buluŋ buluŋ ma yirde hinayiŋ. Mel gobe binde mat fudinde wor po Yesu gama irde hinayiŋ. ¹⁸Ningeb biŋ kamke al hoyanya igiŋ heŋ heŋ mata forok irde hinayiŋ marbe mata go tareŋ po irkeb al hoyan wor yeneŋbe Al Kuruŋ dilinde mata huwak teŋ hinayiŋ.

Megen niŋ mata gama irde haŋ marbe Al Kuruŋ asogo irde haŋ

4 ¹Be, da beleŋ dirkeb dindikeŋ uliŋ kadam gineŋ teŋ arde teŋ haŋ? Mata gobe megen niŋ detya mataya niŋ bitiŋ huwarkeb gore po dufay igiŋya arde har goreb mata gogo forok yeŋ hi. ²Ningeb det kura goniniŋ yaŋ hetewoŋ yeŋ nurde haŋ gega, go ma yadeb al det go miŋyaŋ al goyen detmiŋ goke po teŋ tuwagiŋ bearar yirde al bida yirde haŋyeŋ. Goyenpoga det go ma po yade haŋyeŋ. Irdeb kadam mohonde teŋ arde haŋyeŋ. Det goyen go ma yade haŋyeŋ gote miŋbe Al Kuruŋ gusuŋaŋ ma irde haŋyeŋ geb gogo. ³Kurabe gusuŋaŋ irde haŋyeŋ gega, det go yade dindikeŋ ge amaŋ hetek dufay kerde gusuŋaŋ irde haŋyeŋ. Ningeb dufaytiŋ buluŋ goyen Al Kuruŋ beleŋ yeneŋbe gogo ma duneŋ hiyeŋ.

⁴Deŋbe Al Kuruŋ gama irde hite yeŋ haŋ gega pel irde megen niŋ dufay po gama irde haŋ. Gobe al beremyaŋ gore bere hoyanya duwan heŋ haŋ go gwahade goyen. Ningeb mata gobe Al Kuruŋ niŋ buluŋ nurd nurd mata yeŋ ma nurde haŋ? Megen niŋ dufay niŋ amaŋeŋ nurde go po gama irde hinayiŋ mar gobe Al Kuruŋyeŋ asogo henayiŋ. ⁵Munan Al Kuruŋyeŋ asaŋde, “Holi Spirit Al Kuruŋ beleŋ neŋ bana kiryiŋ gore, ‘Ne niŋ po nurde hinayiŋ. Munan harhoktiŋ nunnayiŋbe igiŋ ma nureŋ,’ yiriŋ,” gwahade yitiŋ hi gobe miŋ miŋmoŋ yeŋ nurde haŋ? ⁶Deŋbe gwaha teŋ haŋ gega, Al Kuruŋ beleŋ bunineŋ dirde igiŋ igiŋ dird dird gobe mata buluŋtiŋ gote folek. Ningeb goke asaŋmiŋde gahade katiŋ hi:

“Al kura yiŋgeŋ neŋ harhet harhet teŋ haŋ marbe Al Kuruŋ beleŋ asogo yirde hi.

Munaŋ al kura yingen neŋbe epte moŋ yeŋ nurde haŋ marbe Al Kuruŋ beleŋ bunineŋ yirde igiŋ igiŋ yirde hi,” yitiŋ. *Mata Igiŋ 3:34*
 7Ningeb dindikeŋ turuŋ ma irde Al Kuruŋ yufukde po hinayiŋ. Irde Satan asogo irde hinayiŋ. Irkeb Uŋgura go dubul teŋ busaharyeŋ. 8Al Kuruŋya awalik heŋbe yeŋ bindere kunayiŋ. Irkeb yeŋ wor deŋ bindere wayyeŋ. Ningeb deŋ mata buluŋ marbe mata buluŋtiŋ goyen yubul po teŋ hinayiŋ. Irde deŋ Al Kuruŋyen dufayya megen niŋ dufayya gabu yirde haŋ marbe megen niŋ gobe tubul po teŋ Al Kuruŋyen dufay po gama irde diliŋde wukkeŋ hinayiŋ. 9Irde mata buluŋtiŋ goke kandukŋeŋ nurde bunineŋ nurdeb eseŋ hinayiŋ. Deŋbe amaŋ heŋ hinmaŋ teŋ haŋyen gega, haŋka matbe mata buluŋtiŋ goke bunineŋ nurde eseŋ hinayiŋ. 10Irde neŋ harhet harhet ma teŋ Al Kuruŋ yufukde po hinayiŋ. Irke gab yeŋ beleŋ turuŋ diryeŋ.

Kadom tagal guneŋ ma tinayiŋ

11Be, kadne yago, dindigeŋ kadom mere buluŋ mat girde ma teŋ hinayiŋ. Al Kuruŋyen sabarebe, “Kadom tagal guneŋ ma teŋ hinayiŋ irde kadtiŋde mata kura goke buluŋ mat ma yineŋ hinayiŋ,” yitiŋ. Ningeb al kura mata gwahade teŋ hinayiŋ mar gobe Al Kuruŋyen saba goyen buluŋ ineŋ tagal uneŋ hinayiŋ. Ningeb deŋ beleŋ sabamiŋ go igiŋ moŋ innayiŋbe epte ma sabamiŋ gama irde hinayiŋ. Go gama irtiŋeŋbe dindikeŋ Al Kuruŋ hihit yeŋ al hoyande mata goyen yeneŋ gwaha gwaha tahaŋ yeŋ tagalde yuneŋ hinayiŋ. 12Fudinde, neŋ ge teŋ saba kuruŋ go forok ird duneŋbe mataniniŋ yeneŋ igiŋ ma buluŋ dineŋ dineŋ albe Al Kuruŋ uŋkureŋ po hi. Go al gore po gabe neŋ gayen dumulgaŋ tiye yeŋbe igiŋ gwaha tiyyeŋ. Munaŋ buluŋ dire yeŋbe igiŋ gwaha diryeŋ. Ningeb deŋbe da al wor po geb gogo, kadtiŋ yagot mata yeneŋ igiŋ ma buluŋ yineŋ haŋ?

Dende saŋiŋbe ep yeŋ ma nurnayiŋ

13Be, deŋ kurabe, “Haŋka ma gise dawbe taun kuruŋ hoyande kuŋ dama uŋkureŋ goŋ heŋ hora meten teŋ hora kuruŋ yawartek,” yeŋ haŋ. Gega deŋ al gwahade gobe ga nurnaŋ. 14Deŋbe fay urke deŋ hitte mata dahade forok yiyyeŋ gobe ma po nurde haŋ. Neŋ megen hite mar gayenbe yamuŋ yuwalŋeŋde dinamnam go gwahade po, megen gar epte ma ulyande hitek. Heŋ ga ma hubu hetek geb. 15Ningeb gwaha yitiŋeŋbe, “Doyaŋ Al Kuruŋ beleŋ igiŋ nurde hi kenem ma kamde timaŋbe meten gwaha gwaha titek,” yeŋ hinayiŋ. 16Goyenbe deŋbe gwaha ma teŋ haŋ. Ne harhem harhem teŋ dindikeŋ ge turuŋ turuŋ teŋ haŋ. Mata gwahade teŋ haŋ kuruŋ gobe Al Kuruŋ diliŋde buluŋ wor po teŋ haŋ. 17Ningeb keŋkela dufay henaŋ ko. Al kura mata igiŋbe nurd nurd ga gama ma iryeŋ gobe Al Kuruŋ beleŋ al gobe mata buluŋ teŋ hi yeŋ kinyeŋ.

**Buluŋ mat hora yade al horam yaŋ hitiŋ al
gobe kame kanduk kennayiŋ**

5 ¹Be, deŋ al horam yaŋ mar, ga nurnaŋ ko. Kame matatiŋ goke kanduk kuruŋ wor po forok yeke yeneŋ hinayiŋ geb, goke dindiken ge bunineŋ nurde eseŋ epte ma teŋ hinayiŋ. ²Matatiŋbe gahade: dettiŋya samuŋtiŋyabe yade al bunineŋ faran yurtiŋeŋbe duliŋ po hike bida henayiŋ. Amilitiŋ manan gwahade po hike sisige beleŋ walnayiŋ. ³Gol horaya silwa horaya yade dindiken ge po nurde yatiŋ bana po yerde hike humuyeŋ beleŋ po tum yurde hanŋen geb, hora gote metenminbe hubu hitiŋyen han. Irkeb kame nalu funandeb hora meten ma yuntiŋ goyen keneŋbe Al Kurun beleŋ merem yaŋ diryen. Irde kak beleŋ det kumga tikeb mugol nen hi go gwahade goyen kudiŋ matatiŋ goke Al Kurun beleŋ buluŋ wor po diryen. Deŋ goyen gwaha dirtek nalube binde heŋ hi gega, megen niŋ det yade pipkatoka yirde han. ⁴Ningeb deŋ al horam yaŋ mar, ga nurnaŋ! Yamun usaŋ teŋ teŋ marya wit sak yeke walde walde marya muruŋgem ma yunkeb biŋ misiŋ nurde eseŋ han. Irkeb Doyaŋ Al Kurun tareŋ minŋan gore goyen nurde hiyen geb, kamebe goke buluŋ wor po diryen. ⁵Irde dapŋa beleŋ kamde kamde nalumiŋ ma nurde dula ug po teŋ bam yeŋ hanŋen go gwahade goyen, deŋ wor Al Kurun beleŋ muduneŋ muduneŋ nalu ma nurde heŋya dindiken ge po nurde dula bidak teŋ samun budam po yade han. ⁶Deŋbe al kura buluŋ dirde ŋiŋiyam ma dirtek mar goyen titminiŋ wor po uliŋde merem yaŋ yirde gasa yirke kamde hanŋen gega, kura mun asogo ma dirde hanŋen.

Kanduk yeneŋ hinayiŋ gega yul ma yeŋ tareŋ po hinayiŋ

⁷Ningeb, kadne yago, al beleŋ buluŋ gwahade dirde han gega, mata buluŋmin goyen yubul teŋ teŋ ge doyaŋ heŋ heŋ niŋ piŋeŋ ma heŋ hinayiŋ. Irke kuŋ kuŋ Doyaŋ Al Kurun wayyeŋ. Deŋbe bingeb hardeb aran aran netek heke niniŋ niniŋ ma teŋbe nalumde ga yeŋ piŋeŋ ma heŋ doyaŋ heŋ hanŋen. Kigariŋ niŋ wor gwahade po teŋ hanŋen. ⁸Ningeb deŋ wor Doyaŋ Al Kurun waŋ waŋ nalu binde heŋ hi geb, kanduk kurayen kurayen yeneŋ han goke mukku ma teŋ goya goya saŋiŋ po heŋ hinayiŋ. ⁹Irde, kadne yago, kanduk kura deŋ bana forok yeke fugugur teŋ dindiken uliŋ kadom mohonde ma teŋ hinayiŋ. Gwaha tinayiŋbe al igiŋya buluŋya pota yird yird Al beleŋ waŋ matatiŋ goke muruŋgem buluŋ dunyeŋ. Yeŋ waŋ waŋ nalu gobe binde wor po heŋ hi. Ningeb gwaha ma teŋ hinayiŋ.

¹⁰Be, Al Kurunyen mere basaŋ marbe kanduk karkuwan karkuwan yeneŋ hinhan gega, goke mukku ma teŋ tareŋ heŋ Doyaŋ Al Kurunyen denemde meremiŋ tagalde kuŋ hinhan. Ningeb deŋ wor mel gote mata goyen po gama irde hinayiŋ. ¹¹Gwaha teŋ hitekeb Al Kurun beleŋ guram

dirde igin igin diryen gobe nurde hite. Denbe Yopyen baran nurde hanjen gogo. Yenbe kanduk kurun bana hinhin gega, yul ma yen tareh po hen hinhin. Irkeb kun kun funanbe Doyan Al Kurun beleh faran urde sanjen irkeb sopte igin wor po hiri. Ningeb Doyan Al Kurunbe buniyenmin kurun wor po.

¹²Be, kadne yago, mere kura momon diren tihim gabe det kurun wor po ningeb, kenkela nurnan ko. Denbe mere kura fudinde tihit yenya ga nanकिन्या megenya irde det hoyan kura denge ma yurnayin. Fudinde yenbe “Fudinde,” po yen hinayin. Munan monbe “Mon” po yen hinayin. Gwaha ma tinayinbe Al Kurun beleh merem yan diryen.

Al Kurun gusunjan ird ird gote tarehbe kurun

¹³Be, den bana goyen al kura kanduk yeneh han? Gwahade kenem goke Al Kurun gusunjan irnayin. Munan al kura amanen nurde han? Gwahade kenem Al Kurun turun ird irdde nin tiki henayin. ¹⁴Irde kuratin kura garbam hiyyen? Gwahade kenem Yesuyen alya bereyat doyan mar hoy yiryen. Irkeb mel gore wan al go igin hewon yen det fimin ulinde sam irde Doyan Al Kurun Yesu denemde al goke igin hiwi yen Al Kurun gusunjan irnayin. ¹⁵Al kura Al Kurun nin dufaymin tareh irde gusunjan iryenbe garbam al gobe igin hiyyen. Irde firinde po hiyen goyen huwaryen. Irde al go mata bulunmin beleh kura irke garbam hitin kenem go wor halde unkeb igin hiyyen. ¹⁶Ningeb kadin bulun kura irde kenem goke kadom pohogay gird ten hinayin. Irde kadom faran gurd gurd nin Al Kurun gusunjan irde hinayin. Irkeb Al Kurun beleh garbamtin sope dirde hiyen. Al kura Al Kurun dilinde huwak henya gusunjan irde hiyenbe Al Kurun beleh gusunjanmin goyen nurde wasak ma ten hiyen. Huginen wol hen unen hiyen geb, gogo dinen hime.

¹⁷Be, Al Kurunyen mere basan al Elaiabe al nen yara po. Goyenpoga Israel nan bana gon kigarin ga katen ma yen Al Kurun gusunjan irde teban irkeb dama karwo irde gagasi 6 gayen kigarin mun kura ma katyin. ¹⁸Irdeb go kamereb sopte po Elaiabe beleh kigarin nin gusunjan irkeb Al Kurun beleh wol hekeb kigarin katyin. Irke megen bida hekeb binje yago harke igin kawan hamin.

Mata bulunde han mar faran yurke Al Kurun hitte mulgan henayin

¹⁹Kadne yago, den bana goyen al kura Al Kurunyen mere fudinde san hen beleh hoyan kukeb kadom kura beleh kun faran urde sopte Al Kurun hitte tumulgan tiyyen. ²⁰Mata gwahade goke yitin mere goyen bitin sir ma yiyyen. Merebe gahade: “Al kura kadom mata bulun bana hikeya tumulgan tiyyen. Irkeb mata bulun al gobe huginen kamtek gega, Al Kurun beleh mata bulunmin kurun goyen halde unkeb igin hiyyen. Irkeb kadom faran uryen al gobe fudinde wor po faran ura yen kentek,” yitin hi. Gog po.